



გამარტივებული ელექტრონული ტენდერის

დოკუმენტაცია

მარტვილის კანონის ბუნების ძეგლის ადმინისტრაციაში ტურისტული ინფრასტრუქტურის
ტექნიკური პროექტისა და ხარჯთაღრიცხვის შედგენის მომსახურების

(71242000 - პროექტის და გეგმის მომზადება, ხარჯების გამოთვლა)

(მრავალწლიანი შესყიდვა)

სახელმწიფო შესყიდვის შესახებ

ქ. თბილისი
2016 წელი

სარჩევი

1. ინსტრუქცია ტენდერში მონაწილეთათვის
2. ტექნიკური დავალება
3. სახელმწიფო შესყიდვის შესახებ ხელშეკრულების პროექტი
4. დანართი N1 სატენდერო წინადადების ფასი, ფასების ცხრილი
5. დანართი №2 რეკვიზიტები
6. დანართი №3 გამოცდილების შესახებ ინფორმაციის ფორმა
7. დანართი №4 ანგარიშსწირების პირობები

1. ინსტრუქცია ტენდერში მონაწილეთათვის

1.1 იხ.,სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო” და „სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს ოფიციალურ ვებგვერზე www.procurement.gov.ge

1.2 საკონტაქტო ტელეფონის ნომრები დავით კოპალიანი 577 33 30 30. გიგა მენაბდიშვილი 577 92 57 57.

1.3 სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურა:

„გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-2 მუხლის პირველი პუნქტის „კ“ ქვეპუნქტით გათვალისწინებული „კ“ ქვეპუნქტის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის - „კითხვა/პასუხის“ მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება.

2. ტექნიკური დავალება

მარტვილის კანონის ბუნების ძეგლის ადმინისტრაცია

2.1 შესყიდვის ობიექტია მარტვილის კანონის ბუნების ძეგლის ადმინისტრაციაში ტურისტული ინფრასტრუქტურის მოწყობის ტექნიკური პროექტისა და ხარჯთაღრიცხვის შედგენა, სამუშაოების ჩამონათვალის და მოცულობების დადგენა, სამუშაოთა აღწერილობის მომზადება, განსახორციელებელი სამუშაოების ტექნიკური დავალების შედგენა ადგილობრივი კლიმატური და გეოლოგიური პირობების გათვალისწინებით.

I თავი

მომწოდებელმა უნდა უზრუნველყოს მარტვილის კანონის ბუნების ძეგლის ინფრასტრუქტურის ობიექტების საპროექტო საღარჯთაღრიცხვო დოკუმენტაციის მომზადება.

დასაგეგმარებელი კომპლექსის დახასიათება და ადგილმდებარეობა.

დასაპროექტებელი ობიექტების ჩამონათვალი და მონაცემები:

- ტერიტორიის კეთილმოწყობა:
- 1. მდ. აბაშაზე დაკიდული საცალფეხო ხიდი - 17 მ.
- 2. ჩასასვლელი ბილიკების მოკირწყვლა (ვახის ქვით) - 85 მ.
- 3. ბილიკების გვერდებზე დეკორატიული განათების მოწყობა - 10 ც.
- 4. ბილიკებზე კიბის საფეხურების მოწყობა არსებული კირქვის კარიერის ქვებით - 22 მ2
- 5. ბილიკებზე ლითონის მოაჯირების მოწყობა - 270 მ.
- 6. არსებულ ლითონის მოაჯირებზე სიმაღლის დამატება - 160 მ.
- 7. #2 ლითონის ხიდზე მისასვლელ ბილიკზე და ხიდის მოაჯირებზე სიმაღლეების დამატება - 48 მ.
- 8. სანიაღვრე რ/ზეტონის ცხურის მოწყობა - 15 მ.
- 9. სანიაღვრე რ/ზეტონის არხის მოწყობა - 40 მ.
- 10. ვიდეო სათვალთალო კამერების განთავსება - 10 ერთეული.
- 11. არსებულ და ახალ ბილიკებზე ნიშნულების მოწყობა ორ ენაზე (ქართული, ინგლისური) - 20 ერთეული..
- 12. საინფორმაციო და საინტერპრეტაციო დაფების მოწყობა - 10 ერთეული.
- 13. ანტისეპტიკიდან გამომშავალი წყლის მილის დაგრძელება - 10 მ.
- 14. ვიზიტორთა ცენტრის ეზოში მოსასვენებელი (საჩრდილოებელი) ადგილების და სააბაჯშო გასართობი მოედნის მოწყობა.
- 15. ამოსასვლელი ბილიკის გვერდით არსებული სივრცის მოწყობის დაგეგმარება.

II თავი

გასაწევი მომსახურების აღწერა-ჩამონათვალი:

შესასყიდის მომსახურება გულისხმობს:

1. საძიებო სამუშაოების ჩატარება.
2. საპროექტო-საღარჯთაღრიცხვო დოკუმენტაციის მომზადებას
3. მომსახურებას სამშენებლო კომპანიის შესარჩევი ტენდერის პროცესში.
4. საავტორო ზედამხედველობის გაწევას მშენებლობის პერიოდში.

დეტალური აღწერა

1. საძიებო სამუშაოები:

- საპროექტო ტერიტორიის დეტალური ტოპოგრაფიული რუკის შედგენა.

1. საპროექტო-სახარჯთაღრიცხვო დოკუმენტაცია: დამკვეთის მიერ საბოლოო შესასყიდ პროდუქტს წარმოადგენს “მუშა ნახაზები”-ს სტადიაზე დეტალურად დამუშავებული საპროექტო დოკუმენტაცია, რომელიც მინიმუმ უნდა მოიცავდეს:

- არქიტექტურული ნაწილი, რომელშიც დამუშავდება მინიმუმ შემდეგი დოკუმენტაცია:
 - არქიტექტურული ნაწილის საერთო განმარტებითი ბარათი რომელიც უნდა მოიცავდეს ინფორმაციას, ცალკეული ინფრასტრუქტურული ობიექტების შესახებ.
 - კომპლექსის გენერალური გეგმა. მასშტაბში (1:500).
 - კომპლექსში შემავალი ობიექტების ტერიტორიის ათვისების გეგმები მსხვილ მასშტაბში (1:200)
 - კომპლექსში შემავალი ობიექტების ტერიტორიის ვერტიკალური გეგმარება და მიწის სამუშაოების რუკა ასეთის არსებობის შემთხვევაში მასშტაბში (1:200 1:500)
 - კომპლექსში შემავალი ობიექტების სამ განზომილებიანი მაღალი ხარისხის ვიზუალიზაცია (ეგრედ წოდებული რენდერები მაღალი რეზოლუციით)
 - კომპლექსში შემავალი ობიექტების დაკვალვითი გეგმები, მასშტაბი (1:50 ან 1:100)
 - კომპლექსში შემავალი ობიექტების გრძივი და განივი ჭრილები, მასშტაბი (1:50 ან 1:100). თითოეულ ობიექტზე უნდა დამუშავდეს მინიმუმ ორი ჭრილი.
 - კომპლექსში შემავალი ობიექტების არქიტექტურული დეტალებისა და კვანძების ნახაზები (დაკიდული საცალფეხო ხიდის, კიბეების, მოაჯირების და სხვა დეტალები) მასშტაბი (1:5, 1:10 ან 1:20)
 - ყველა ობიექტის დეტალური სპეციფიკაციები.

- კონსტრუქციული ნაწილი, რომელშიც დამუშავდება მინიმუმ შემდეგი დოკუმენტაცია:
 - კონსტრუქციული ნაწილის საერთო განმარტებითი ბარათი რომელიც უნდა მოიცავდეს ინფორმაციას, კომპლექსში შემავალი ობიექტებზე (კონსტრუქციებზე მოქმედი მოსალოდნელი დატვირთვები, კონსტრუქციული სქემების აღწერა).
 - კომპლექსში შემავალი ობიექტების საძირკვლების მარკირების გეგმები და საძირკვლების ტიპები, მასშტაბი (1:50 ან 1:100).
 - კომპლექსში შემავალი ობიექტის მიწისზედა მზიდი კონსტრუქციების ნახაზები შერჩეული კონსტრუქციული სქემებისა და მასალის შესაბამისად, შენიშვნა-რეკინაბეტონის კონსტრუქციების გამოყენების შემთხვევაში ნახაზებს უნდა ახლდეს საარმატურე ფოლადის დეტალური სპეციფიკაციები, ლითონის კონსტრუქციების გამოყენების შემთხვევაში პროექტი უნდა ითვალისწინებდეს დეტალიზირებული ნახაზების (ეგრედ წოდებული kmd სტადია) დამუშავებას.

მშენებლობის ორგანიზაციის ნაწილი, რომელშიც დამუშავდება მინიმუმ შემდეგი დოკუმენტაცია:

- მშენებლობის ორგანიზაციის პროექტის განმარტებით ბარათს, რომელიც უნდა მოიცავდეს ინფორმაციას, კომპლექსში შემავალი ობიექტებისა და ცალკეული ნაგებობების მშენებლობის ხანგრძლივობის, განმარტებით ბარათში ასევე უნდა მიეთითოს საჭირო უსაფრთხოების ტექნიკის და გარემოს დაცვითი ღონისძიებანი.
- კომპლექსის მშენებლობის კალენდარული გეგმა, კაპიტალდაზანდება განაწილების ჩვენებით თვეების მიხედვით.
- კომპლექსში შემავალი ობიექტებისა და ცალკეული ნაგებობების კალენდარული გრაფიკები, მუშა ხელი მოძრაობის დიაგრამების ჩვენებით.

- სპეციფიკაციების ნაწილი, რომელშიც დამუშავდება მინიმუმ შემდეგი დოკუმენტაცია:
 - გამოყენებული სამშენებლო მასალების (მხედველობაში უნდა იყოს მიღებული ადგილობრივი/რეგიონალური სამშენებლო მასალები და მშენებლობის მეთოდები), ნაკეთობების ხარისხობრივი მახასიათებლების დეტალური აღწერა კომპლექსში შემავალი ყველა ობიექტის სამშენებლო სამუშაოთა პროცესების ტექნოლოგიური თანმიმდევრობითი დეტალური აღწერა მათი შესრულების ხარისხობრივი კონტროლის განხორციელების მიზნით კომპლექსში შემავალი ყველა ობიექტებისათვის

სახარჯთაღრიცხვო ნაწილი, რომელშიც დამუშავდება მინიმუმ შემდეგი დოკუმენტაცია:

- სახარჯთაღრიცხვო ნაწილის საერთო განმარტებითი ბარათი, რომელიც უნდა მოიცავდეს სამშენებლო ობიექტების სატიტულო სიას და ინფორმაციას დანარიცხების გაანგარიშების წესის შესახებ(გაუთვალისწინებელი ხარჯები, ზედნადები ხარჯები, გეგმიური დაგროვება და სხვა).
- მშენებლობის შენაკრები ხარჯთაღრიცხვა. (მინიმალური სასიცოცხლო ციკლის ხარჯების მეთოდი/მიდგომა)
- საობიექტო ხარჯთაღრიცხვები.
- ლოკალური ხარჯთაღრიცხვები შესრულებული რესურსული მეთოდით.
- როგორც ლოკალურ, ასევე კრების და საობიექტო ხარჯთაღრიცხვებში ცალ-ცალკე გამოყოფილი უნდა იყოს სამშენებლო მასალები ღირებულება, მუშათა ხელფასი, ზედნადები ხარჯები და გეგმიური დაგროვება.

- ექსპლუატაციის პროექტის ნაწილი, მინიმალური სასიცოცხლო ციკლის ხარჯების მიდგომის გამოყენებით, რომელშიც დამუშავდება მინიმუმ შემდეგი დოკუმენტაცია:
- ინფორმაცია კომპლექსის და მისი ცალკეული ობიექტების საშუალო წლიური მოვლა-შენახვის ხარჯები (ხსნარებით დამუშავება და სხვ.).
- შენობების ძირითადი ელემენტებისათვის მიმდინარე შეკეთების პერიოდულობა და მათი ერთდროული ხარჯები.
- კომპლექსში შემავალი ობიექტებისა და ცალკეული შენობა-ნაგებობების სავარაუდო ვარგისიანობის პერიოდის განსაზღვრა კაპიტალურ შეკეთებამდე.

2. მომსახურებას სამშენებლო კომპანიის შესარჩევი ტენდერის მიმდინარეობის დროს მოიცავს:

- სატენდერო დოკუმენტაციის ტექნიკური ნაწილის მომზადებას.
- შესასყიდი სამშენებლო სამუშაოთა მოცულობების უწყისის დამუშავებას.
- სატენდერო კომისიისათვის ახსნა განმარტებებისა და რეკომენდაციების გაცემას ტექნიკურ საკითხებში.

3. საავტორო ზედამხედველობის გაწევა მშენებლობის პერიოდში მოიცავს:

- სამშენებლო პროცესების გეგმიურ და არაგეგმიურ ინსპექტირებას.
- ინსპექტირებისას აუცილებელია წარმოებდეს საავტორო ზედამხედველობის ჟურნალი, სადაც აისახება ინსპექტირების შედეგები. ჟურნალი ხელმისაწვდომი უნდა იყოს დამკვეთისათვის ნებისმიერ დროს.
- ფარული სამუშაოების კონტროლს და ფარულ სამუშაოთა აქტების შედგენაში მონაწილეობას.
- საავტორო ზედამხედველობის განხორციელებისას, ზედამხედველი ვალდებულია სამშენებლო პროცესების საპროექტო დოკუმენტაციასთან ყველა შეუსაბამობა და უზუსტობა დააფიქსიროს ჟურნალში და დაუყოვნებლივ აცნობოს დამკვეთს.
- რეკომენდაციების და სპეციალური ტექნიკური დახმარების გაწევა სამშენებლო სამუშაოების მიღება-ჩაბარების პროცესში.

შენიშვნა:

“მუშა ნახაზები”-ში შესაძლებელია შეტანილ იქნეს გარკვეული კორექტირებები დამკვეთთან შეთანხმებით.

საპროექტო-სახარჯთაღვრიცხო დოკუმენტაცია უნდა იყოს წარმოდგენილი როგორც ელექტრონული (pdf და dwg ან plt) სახით ასევე ალბომის სახით, 3 ეგზემპლარით.

III თავი

პროექტირების ძირითადი პრინციპები და ეტაპები

საპროექტო კომპანიამ არსებული “სტადია პროექტის” დამუშავებისას უნდა იხელმძღვანელოს შემდეგი პრინციპებით:

- ობიექტების იერსახე უნდა იყოს ესთეტიურად დახვეწილი და მაქსიმალურად ჰარმონიული ადგილობრივ ლანდშაფტთან.
- მინიმუმამდე უნდა იქნეს დაყვანილი გარემოზე ზემოქმედება და არსებული ლანდშაფტის ცვლილება.
- გამოყენებული მასალები უნდა იყოს ეკოლოგიურად სუფთა, პრიორიტეტი მიენიჭოს ბუნებრივი, ადგილობრივი/რეგიონალური მასალების გამოყენებას.
- პროექტირებისას გათვალისწინებულ უნდა იყოს რეგიონის კლიმატური პირობები.
- საპროექტო გადაწყვეტილებებმა და სამშენებლო მასალათა შერჩევამ უნდა უზრუნველყოს კომპლექსში შემავალი ობიექტების მინიმალური საექსპლუატაციო მოვლა-პატრონობის ხარჯები, მიმდინარე და კაპიტალური შეკეთებების ინტენსივობა.

შენიშვნა: პროექტის მიმდინარეობის დროს მოეწება გეგმიური და არაგეგმიური განხილვები დამკვეთთან. გეგმიური და არაგეგმიური განხილვები შეზღუდული არ არის და შეიძლება მოეწიოს როგორც დამკვეთის აგრეთვე პროექტანტის მოთხოვნით.

- ყველა სამუშაოები და გამოყენებული მოწყობილობები არ უნდა უქმნიდეს საფრთხეს მათ დაცულობასა და ეკოლოგიას.

პროექტი უნდა მოიცავდეს :

- განმარტებით ბარათს (არსებული სიტუაციის აღწერით),
- მშენებლობის ორგანიზების პროექტს,
- კალენდარულ გეგმა-გრაფიკს,

- ობიექტის ფოტოფიქსაციას,
 - საჭირო აზომვით სამუშაოებს,
 - სექმატურ ნახაზებს (სათანადო დეტალიზაციით),
 - მოცულობათა უწყისს,
 - ხარჯთაღრიცხვას.
- **მიმწოდებელმა უნდა უზრუნველყოს საპროექტო ზედამხედველობის გაწევა სამუშაოების განხორციელებისას.**

2.2 მომსახურების მიწოდების ვადები და პირობები:

2.2.1 მომსახურების მიწოდება უნდა განხორციელდეს ხელშეკრულების გაფორმებიდან 60 (სამოცი) კალენდარული დღის ვადაში.

2.2.2 მიმწოდებელმა უნდა წარმოადგინოს მინიმუმ შემდეგი დოკუმენტები:

1. ჩასატარებელი სამუშაოების ჩამონათვალი და მათი მოცულობები (ე.წ. დეფექტური აქტი).
2. ჩასატარებელი სამუშაოების სავარაუდო ხარჯთაღრიცხვა, შესრულებული რესურსული მეთოდით.
3. განმარტებითი ბარათი – ჩასატარებელი სამუშაოების ტექნოლოგიური თავისებურებების, გამოსაყენებელი მასალების და მათი ხარისხობრივი მახასიათებლების ჩვენებით.
4. ტექნიკური პროექტი.

2.2.3 დოკუმენტები უნდა იქნას წარმოდგენილი მყარი ასლისა და ელ. ვერსიის სახით (3 ეგზ. მყარი ასლი და 3 ეგზ.ელ. ვერსია) შემდეგ მისამართზე: ქ. თბილისი, გულუას ქ. 6. მე-5 სართული.

2.2.4 შედგენილი პროექტები უნდა იძლეოდეს სრულყოფილ ინფორმაციას, რომლის საფუძველზეც შესაძლებელი იქნება ზემოაღნიშნულ სამუშაოებზე ტენდერის გამოცხადება და გამარჯვებული ორგანიზაციისათვის სამუშაოების წარმოება.

2.2.5 საპროექტო ორგანიზაცია ვალდებულია საჭიროების შემთხვევაში (მოთხოვნის საფუძველზე) გონივრულ ვადაში განახორციელოს საპროექტო დოკუმენტაციაში ცვლილებების შეტანა, ხოლო დოკუმენტაციის შედგენა აწარმოოს შემსყიდველის წარმომადგენელთან შეთანხმებით.

2.2.6 მიმწოდებელი პასუხისმგებელია გაწეული მომსახურების ხარისხზე და ვალდებულია აანაზღაუროს მისი ბრალეულობით (ქმედებით ან უმოქმედობით) გამოწვეული ნებისმიერი სახის ზარალი, როგორიცაა მაგალითად ხარჯთაღრიცხვაში სამუშაოს სრულყოფილად შესრულებისათვის საჭირო სამუშაოების არშეტანა, მოცულობების უზუსტობა და სხვა.

2.3. დამატებითი მოთხოვნები:

2.3.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2.3.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.3.3 სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (დღგ-ს გარდა).

2.3.4 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.4 ანგარიშსწორების პირობები:

სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (დღგ-ს გარდა).

ანგარიშსწორება მიმწოდებელთან განხორციელდება დანართი #4-ის შესაბამისად.

პრეტენდენტმა სატენდერო წინადადების ფასში არ უნდა გაითვალისწინოს დღგ, მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ის ოდენობა, თუ ხელშეკრულების დადების მომენტისთვის პრეტენდენტი არის დღგ-ის გადამხდელი საქართველოს კანონმდებლობის მოთხოვნათა შესაბამისად, რისთვისაც პრეტენდენტმა უნდა წარმოადგინოს შესაბამისი დამადასტურებელი დოკუმენტი.

2.5. პრეტენდენტის მიერ სისტემაში ასატვირთი დოკუმენტებია:

ა) პრეტენდენტებმა უნდა წარმოადგინონ სატენდერო წინადადების ფასი, ფასების ცხრილი, დანართი №1-ის მიხედვით;

ბ) რეკვიზიტები დანართი #2-ის მიხედვით.

გ) ინფორმაცია 2012 წლის 1 იანვრიდან 2016 წლის 20 ოქტომბრამდე შესრულებული საპროექტო-სახარჯთაღრიცხვო დოკუმენტაციის მომზადების არანაკლებ 50 000 ლარიანი გამოცდილების შესახებ დანართი #3-ის შესაბამისად, რაც უნდა დადასტურდეს შესაბამისი დოკუმენტაციით.

დ) თანხმობა ანგარიშსწორების პირობებსა და ვადებზე დანართი #4-ის შესაბამისად.

ე) სატენდერო წინადადების ხელისმომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).

ვ) 2012 წლის შემდგომ პერიოდში გაწეულ საპროექტო სახარჯთაღრიცხვო დოკუმენტაციის შედგენის მომსახურებებზე შემსყიდველი ორგანიზაციის მიერ გაცემული დადებითი რეკომენდაცია/ები, (რეკომენდაციებში დაფიქსირებული გაწეული მომსახურების ჯამი უნდა იყოს არანაკლებ 5 000 ლარი).

2.6. დაფინანსების წყარო: საკუთარი შემოსავლები

2.7 შესყიდვის სავარაუდო ღირებულება შეადგენს 14 500 ლარს დღგ-ს გარეშე.

2.8. ვინაიდან აღნიშნული ტენდერით განსაზღვრული მომსახურება არის ინტელექტუალური ხასიათის მომსახურება, რომლის შეფასების კრიტერიუმები და ფასწარმოქმნის დასაბუთების სტანდარტი რთული დასადგენია, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-9 მუხლის 1¹ პუნქტის საფუძველზე სატენდერო კომისიამ მიზანშეწონილად მიიჩნია, არ მოითხოვოს ფასწარმოქმნის ადეკვატურობის დასაბუთების დოკუმენტი, თუ პრეტენდენტების მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე.

2.9 დაინტერესებულ პირს აქვს შესაძლებლობა ადგილზე გაეცნოს არსებულ ვითარებას; მის: მარტვილის მუნიციპალიტეტი, სოფ.ინჩხური ტელ - 599372411 ზაზა გაგუა.

2.10 დამატებითი ინფორმაციის მისაღებად გთხოვთ მიმართოთ სატენდერო კომისიის აპარატის წევრებს: დავით კოპალიანი 577 33 30 30. გიგა მენაბდიშვილი 577 92 57 57;

3. ხელშეკრულება სახელმწიფო შესყიდვის შესახებ №

ქ. თბილისი

— 2016 წ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულების დამდები მხარეები

ერთის მხრივ სსიპ „დაცული ტერიტორიების სააგენტო“ სააგენტოს თავმჯდომარის ----- სახით (შემდგომში „შემსყიდველი“) იურიდიული მისამართი ქ. თბილისი, გულუას ქ. №6

(ორგანიზაციის დასახელება და იურიდიული მისამართი)

და მეორეს მხრივ ----- მისი ----- სახით, იურიდიული მისამართი -----
(შემდგომში მიმწოდებელი)

(ორგანიზაციის
დასახელება და იურიდიული მისამართი)

1. ხელშეკრულების ღირებულება

შემსყიდველმა გამოაცხადა მარტილის კანიონის ბუნების ძეგლის ადმინისტრაციაში ტურისტული ინფრასტრუქტურის მოწყობის ტექნიკური პროექტისა და ხარჯთაღრიცხვის შედგენის მომსახურების (71242000 -პროექტის და გეგმის მომზადება, ხარჯების გამოთვლა) შესყიდვაზე გამარტივებული ელექტრონული ტენდერი (განცხადების № SPA) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული პროდუქტი ----- ლარად (შემდგომში ხელშეკრულების ღირებულება)

2. ხელშეკრულების შესრულების კონტროლი

- 2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.
- 2.2. ხელშეკრულების მიმდინარეობის კონტროლის მიზანს წარმოადგენს:
 - 2.2.1. საქონლის მიწოდების ვადების ხელშეკრულების მოთხოვნებთან შესაბამისობის დადგენა;
 - 2.2.2. მიწოდებული მომსახურების მოთხოვნებთან - ხელშეკრულების დანართი №1-თან (ტექნიკური დავალება) შესაბამისობის დადგენა, მის საფუძველზე მიღება-ჩაბარების აქტის გაფორმება და ანგარიშსწორების პროცესის რეგულირება.
 - 2.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.
- 2.4. ხელშეკრულების შესრულების კონტროლს ახორციელებენ „შემსყიდველის“ სათანადოდ უფლებამოსილი პირები.

3. შესყიდვის ობიექტის მახასიათებლები

3.1. შესყიდვის ობიექტის ჩამონათვალი, ერთეულის ფასებისა და ტექნიკური მახასიათებლების მითითებით მოცემულია ხელშეკრულების დანართში №1 „ფასების ცხრილი“ (იხ. დანართი --- ფურცლად).

4. მომსახურების მიწოდების პირობები და ვადები

- 4.1 მომსახურების მიწოდება უნდა განხორციელდეს ხელშეკრულების გაფორმებიდან 60 (სამოცი) კალენდარული დღის ვადაში.
- 4.2 მიმწოდებელმა 4.1 პუნქტში მითითებულ ვადაში უნდა წარმოადგინოს მინიმუმ შემდეგი დოკუმენტები:
 1. ჩასატარებელი სამუშაოების ჩამონათვალი და მათი მოცულობები (ე.წ. დეფექტური აქტი).
 2. ჩასატარებელი სამუშაოების სავარაუდო ხარჯთაღრიცხვა, შესრულებული რესურსული მეთოდით.
 3. განმარტებითი ბარათი – ჩასატარებელი სამუშაოების ტექნოლოგიური თავისებურებების, გამოსაყენებელი მასალების და მათი ხარისხობრივი მახასიათებლების ჩვენებით.
 4. ტექნიკური პროექტი.
- 4.3. 4.2 პუნქტში მითითებული დოკუმენტები უნდა იქნას წარმოდგენილი მყარი ასლისა და ელ. ვერსიის სახით (3 ეგზ. მყარი ასლი და 3 ეგზ. ელ. ვერსია) შემდეგ მისამართზე; ქ. თბილისი, გულუას ქ. 6. მე-5 სართული.

4.4 შედგენილი პროექტები უნდა იძლეოდეს სრულყოფილ ინფორმაციას, რომლის საფუძველზეც შესაძლებელი იქნება ზემოაღნიშნულ სამუშაოებზე ტენდერის გამოცხადება და გამარჯვებული ორგანიზაციისათვის სამუშაოების წარმოება.

4.5 საპროექტო ორგანიზაცია ვალდებულია საჭიროების შემთხვევაში (მოთხოვნის საფუძველზე) გონივრულ ვადაში განახორციელოს საპროექტო დოკუმენტაციაში ცვლილებების შეტანა, ხოლო დოკუმენტაციის შედგენა აწარმოოს შემსყიდველის წარმომადგენელთან შეთანხმებით.

4.6 მიმწოდებელი პასუხისმგებელია გაწეული მომსახურების ხარისხზე და ვალდებულია აანაზღაუროს მისი ბრალეულობით (ქმედებით ან უმოქმედობით) გამოწვეული ნებისმიერი სახის ზარალი, როგორცაა მაგალითად ხარჯთაღრიცხვაში სამუშაოს სრულყოფილად შესრულებისათვის საჭირო სამუშაოების არშეტანა, მოცულობების უზუსტობა და სხვა.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

5.2. იმ შემთხვევაში თუ, მიწოდებული მომსახურება შეესაბამება ხელშეკრულებით გათვალისწინებულ მოთხოვნებს, ხელშეკრულების 2.4. პუნქტით განსაზღვრული პირი, მიწოდებული მომსახურების შესახებ მიმწოდებელთან ადგენს მიღება-ჩაბარების აქტს და ახორციელებს მიწოდებული მომსახურების მიღებას, ხოლო თუ, მომსახურების მიწოდების პროცესში გამოვლინდება, რომ იგი არ აკმაყოფილებს ხელშეკრულების დანართი №1-ით გათვალისწინებულ მოთხოვნებს შემსყიდველს უფლება აქვს არ მიიღოს მომსახურება და მოსთხოვოს მიმწოდებელს მიმწოდებლის ხარჯით გამოსწოროს წუნდებული მომსახურების ხარისხი.

6. ანგარიშსწორება

6.1 ანგარიშსწორება შესაძლებელია განხორციელდეს წინასწარი გადახდის საშუალებით (ავანსი), არაუმეტეს ხელშეკრულების ღირებულების 30 %-ის ოდენობით, მხოლოდ შესაბამისი საბანკო გარანტიის (გაცემული საქართველოში რეგისტრირებული საბანკო დაწესებულების მიერ) წარმოდგენის შემთხვევაში, (რომლის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას) მათი წარმოდგენიდან 10 (ათი) სამუშაო კალენდარული დღის ვადაში.

6.2. მიმწოდებელი ვალდებულია წინასწარი ანგარიშსწორების შედეგად მიღებული თანხები, გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.

6.3. საბოლოო ანგარიშსწორება „მიმწოდებელთან“ განხორციელდება ლარებში, უნადლო ანგარიშსწორების გზით „მიმწოდებლის“ საბანკო ანგარიშზე, სამუშაოების დასრულების შესახებ შედგენილი საბოლოო მიღება-ჩაბარების აქტის, სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული შესაბამისი დასკვნის (ექსპერტიზის ხარჯებს დაფარავს შემსყიდველი), შესრულებელი სამუშაოს სრულფასოვანი ფუნქციონირების საბანკო გარანტიისა და ანგარიშსწორებისათვის საჭირო ყველა სხვა დოკუმენტაციის წარმოდგენიდან 10 (ათი) სამუშაო სამუშაო დღის ვადაში.

6.4. ხელშეკრულებით გათვალისწინებული სამუშაოების მიღებაზე შესაბამისი აქტის 2016 წელს გაფორმების შემთხვევაში ანგარიშსწორება განხორციელდება შემდეგი გრაფიკით:

2016 წელს ანაზღაურებული იქნება სახელშეკრულებო ღირებულების 30%-ს გამოკლებული ავანსად ათვისებული თანხა, ანგარიშსწორებისათვის საჭირო დოკუმენტაციის წარმოდგენიდან 10 (ათი) სამუშაო დღის ვადაში.

2017 წლის 15 იანვრამდე ანაზღაურებული იქნება დანარჩენი თანხა.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. მიაწოდოს „შემსყიდველს“ საჭირო ხელშეკრულებით გათვალისწინებული მოთხოვნების განუხრელი დაცვით.

7.1.2. უზრუნველყოს გამოვლინილი დეფექტებისა და ნაკლოვანების აღმოფხვრა საკუთარი ხარჯით, შემსყიდველის მომართვიდან არაუგვიანეს 3 (სამი) დღის ვადაში.

7.1.4. დროულად განიხილოს „შემსყიდველის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. სახელმწიფო ბიუჯეტით გათვალისწინებული თანხების უწყვეტი დაფარვის პირობებში უზრუნველყოს „მიმწოდებლის“ დროული და სრული დაფინანსება ხელშეკრულებით გათვალისწინებულ ვადებში.

7.2.2. დროულად განიხილოს „მიმწოდებლის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1. „მიმწოდებელს“ უფლება აქვს, ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს აწარმოოს მიწოდებული საქონლის ხელშეკრულების მოთხოვნებთან შესაბამისობის კონტროლი

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საჭირო საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლებიც გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება,

აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით

13. ხელშეკრულების პირობების შეუსრულებლობა

13.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

13.2 მიმწოდებელი კისრულობს პასუხისმგებლობას წინამდებარე ხელშეკრულების გათვალისწინებული პირობების (მათ შორის, მომსახურების გაწევის ვადების) დარღვევის შემთხვევაში გადაუხადოს პირგასამტეხლო შემსყიდველს შეუსრულებელი ვალდებულების შესაბამისი ღირებულების 0,05%-ის ოდენობით ყოველ ვადაგადაცილებულ დღეზე.

13.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 0,5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

13.5 ხელშეკრულების პირობების შეუსრულებლობისათვის მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით.

13.6. შემსყიდველის მხრიდან ხელშეკრულების 6.1. და 6.2. პუნქტებით გათვალისწინებული ანგარიშსწორების ვადების დარღვევის შემთხვევაში შემსყიდველს მიმწოდებლის სასარგებლოდ დაეკისრება პირგასამტეხლო შეუსრულებელი ვალდებულების შესაბამისი ღირებულების 0,05%-ის ყოველ ვადაგადაცილებულ დღეზე.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. მიმწოდებლის მიერ 10 (ათი) სამუშაო დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის ხელმოწერისთანავე და მოქმედებს მიმდინარე წლის _____

16. განსაკუთრებული პირობები

16.1. ხელშეკრულება შედგენილია _____ გვერდზე, 2 ეგზემპლარად და თითოეულ მათგანს თანაბარი იურიდიული ძალა აქვს;

16.2. ხელშეკრულების ერთი ეგზემპლარი ინახება „მიმწოდებელთან“, ერთი - „შემსყიდველთან“

„შემსყიდველი“

სსიპ „დაცული ტერიტორიების სააგენტო“

ქ. თბილისი გულუას. №6

ს/კ 204911227

„მიმწოდებელი“

სატენდერო წინადადების ფასი, ფასების ცხრილი,

შეესების თარიღი „___“ _____ 2016წ

„_____“
(პრეტენდენტის დასახელება) სატენდერო წინადადების ფასი _____

(თანხა ციფრობრივად) (თანხა სიტყვიერად)

№	მომსახურების დასახელება	მომსახურების გაწევის ვადა	დოკუმენტების მიწოდების ადგილი	ღირებულება (ლარი)
1	2	3	4	5*
1	მარტვილის კანიონის დაცული ტერიტორიების ადმინისტრაციაში ეკო - ტურისტული ინფრასტრუქტურის მოწყობისათვის ტექნიკური პროექტისა და ხარჯთაღრიცხვის შედგენა, სამუშაოების ჩამონათვალის და მოცულობების დადგენა, სამუშაოთა აღწერილობის მომზადება, განსახორციელებელი სამუშაოების ტექნიკური დავალების შედგენა ადგილობრივი კლიმატური და გეოლოგიური პირობების გათვალისწინებით და 2.1 პუნქტში მოცემული ტექნიკური დავალების შესაბამისად			

შენიშვნა: (*) სატენდერო წინადადების ფასი წარმოდგენილი უნდა იყოს ყველა ხარჯის გათვალისწინებით დღგ-ს გარეშე.

გამარჯვებულ პირს დამატებით მოეთხოვება მის მიერ დაფიქსირებული საბოლოო ფასის (ასეთის არსებობის შემთხვევაში) შესაბამისი სატენდერო წინადადებისა და ფასების ცხრილის განფასება კანონმდებლობის შესაბამისად.

(ხელმოწერა)

(ბეჭდის ადგილი)(ბეჭდის არსებობის შემთხვევაში)

რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

ბანკის დასახელება:

ბანკის კოდი:

ანგარიშსწორების ანგარიში:

(ხელმოწერა)

(ბეჭდის ადგილი)(ბეჭდის არსებობის შემთხვევაში)

2012 წლის 1 იანვრიდან - 2016 წლის 20 ოქტომბრამდე ანალოგიურ სფეროში არანაკლებ 50 000 ლარიანი
გამოცდილების შესახებ

CMR/SPA ნომრები (არსებობის შემთხვევაში)	შემსყიდველის დასახელება	მომსახურებ ის მოკლე აღწერა	ხელშეკრ ულების ღირებუ ლება	ხელშეკრულ ების გაფორმების თარიღი	მიღება ჩაბარების ღირებულება	მიღება ჩაბარების აქტის გაფორმების თარიღი	შენიშვნა

(ხელმოწერა)

(ბეჭდის ადგილი, არსებობის შემთხვევაში)

1. ანგარიშსწორება შესაძლებელია განხორციელდეს წინასწარი გადახდის საშუალებით (ავანსი), არაუმეტეს ხელშეკრულების ღირებულების 30 %-ის ოდენობით, მხოლოდ შესაბამისი საბანკო გარანტიის (გაცემული საქართველოში რეგისტრირებული საბანკო დაწესებულების მიერ) წარმოდგენის შემთხვევაში, (რომლის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას) მათი წარმოდგენიდან 10 (ათი) სამუშაო კალენდარული დღის ვადაში.
2. მიმწოდებელი ვალდებულია წინასწარი ანგარიშსწორების შედეგად მიღებული თანხები, გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.
3. საბოლოო ანგარიშსწორება „მიმწოდებელთან“ განხორციელდება ლარებში, უნაღდო ანგარიშსწორების გზით „მიმწოდებლის“ საბანკო ანგარიშზე, სამუშაოების დასრულების შესახებ შედგენილი საბოლოო მიღება-ჩაბარების აქტის, სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული შესაბამისი დასკვნის (ექსპერტიზის ხარჯებს დაფარავს შემსყიდველი), შესრულებელი სამუშაოს სრულფასოვანი ფუნქციონირების საბანკო გარანტიისა და ანგარიშსწორებისათვის საჭირო ყველა სხვა დოკუმენტაციის წარმოდგენიდან 10 (ათი) სამუშაო დღის ვადაში.
4. ხელშეკრულებით გათვალისწინებული სამუშაოების მიღებაზე შესაბამისი აქტის 2016 წელს გაფორმების შემთხვევაში ანგარიშსწორება განხორციელდება შემდეგი გრაფიკით:
 2016 წელს ანაზღაურებული იქნება სახელშეკრულებო ღირებულების 30%-ს გამოკლებული ავანსად ათვისებული თანხა, ანგარიშსწორებისათვის საჭირო დოკუმენტაციის წარმოდგენიდან 10 (ათი) სამუშაო დღის ვადაში.
 2017 წლის 15 იანვრამდე ანაზღაურებული იქნება დანარჩენი თანხა.

(ხელმოწერა)

(ბეჭდის ადგილი, არსებობის შემთხვევაში)